

Cirì furtune

Naturâl cirì furtune
e vè voe di provà,
se par câs an rive une
ben savele ministrà.

Tant chel frût de companie
ch'al ûl simpri prin rivà,
disinvolt e cun legrie
al comenze a bèn cjantà.

Un biel cjant a gole viarte
cun assolos di tenôr,
ben l'imbrucje note certe
e il cjant cuiste valôr.

Cjale cjale ce' furtune
chel frutin ormai lu sa,

Poesie e Racconti Friulani

no covente là te lune
baste sôl savè spietà.

Cul spietà e je rivade
cence fà nissun rumôr,
che furtune tant sperade
je rivade cun l'onôr.